

Rektori i ombudsmeni potpisali sporazum o saradnji

OMBUDSMENI ZA LJUDSKA PRAVA OMOGUĆILI PRAKTIČNU NASTAVU

Rektori privatnih i javnih univerziteta BiH koji u svom sastavu imaju Pravni fakultet i ombudsmeni za ljudska prava Bosne i Hercegovine potpisali su sporazum o saradnji, 7. novembra 2016. godine.

Sporazum obuhvata uspostavljanje i razvijanje međusobne saradnje Institucije ombudsmena za ljudska prava BiH i univerziteta u svi oblastima obrazovne i istraživačke djelatnosti.

- Vrlo bitno za studente je to što će svi zainteresovani na završnim godinama u područnim kancelarijama Institucije ombudsmena za ljudska prava moći pohađati praktičnu nastavu kako bi stekli posebna znanja i praktične vještine u oblasti ostvarivanja, zaštite i promocije ljudskih prava i sloboda građana, naglasio je akademik Esad Jakupović, rektor Univerziteta, jedan od potpisnika sporazuma.

Sporazumom je predviđen i zajednički naučno istraživački rad kroz projekte opšteg i nacionalnog značaja i učešće na naučnim konferencijama, seminarima, naučnim simpozijima i okruglima stolovima.

Ombudsmeni će se uključivati u izvođenje teoretskog i praktičnog dijela nastavnog procesa na Univerzitetu preko učestvovanja u pravnim klinikama, radionicama i simuliranim suđenjima.

10. novembar 2016. godina

Služba za odnose sa javnošću